

Slavko Jovičić

1. *Pitanje postavljeno predsjedavajućem Vijeća ministara BiH* – „Prije tri, četiri sjednice postavio sam pitanje i tražim od predsjedavajućeg Vijeća ministara i od vas, gospodo ministri, da hitno uradite ovu racionalizaciju. Ima li iko u ovoj zemlji da mi odgovori čemu i koja je svrha ove Agencije za školovanje i stručno usavršavanje kadrova, a 45 zaposlenih? Prvo, ne postavljam poslaničko pitanje, nego nagradno – šta oni rade, koje usavršavanje, kojih kadrova, koliko troše para, šta rade više i sve ove agencije koje su onako izmišljene, što bi rekli, s neba? Dajte, ljudi, napravite racionalizaciju i smanjite broj ovih izvršilaca. A sad, pošto ste, kolege, svi dobili ove knjige na prošla moja poslanička pitanja, pogledajte malo pa ćete vidjeti da s današnjim danom, ali ni to nije tačno, imamo 22.069 zaposlenih u svim ovim institucijama. Šta smo mi, jesmo li mi EU, šta smo mi, jesmo li mi SAD pa ovoliko administracije treba? Ovo, molim vas, to bi pitanje za predsjedavajućeg Vijeća ministara i za vas, gospodo ministri“
2. *Pitanje postavljeno Visokom sudskom i tužilačkom vijeću BiH* – „Dajte, nemojte braniti više te tužioce koji su izgubili sve predmete i oštetili budžet u ovom iznosu o kojem sam maloprije govorio, 4,5 miliona maraka do sad. Bit će 45 miliona maraka i niko tamo nije ni odgovoran niti je smijenjen i znam kakav ću dobiti od njih odgovor, to je naša unutrašnja stvar i ne morate vi znati koji su pojedinačno. Hoću da se miješam u sve, jer su upravo oni podnosili tužbe, optužnice protiv srpskog naroda i ... tamo 1000 godina kazne, hoću da znam.